



Gabinete Wever - Croes II

ISLAONLINE


Noticia di Gobierno

2023

Diabierna 10 Maart 2023

Email: IslaOnline@gobierno.aw Tel: 528-4952

2023
AÑA DI



UNION
Y POSITIVISMO!



@IslaOnline2023



Premier Wever - Croes a hiba palabra na e di 67 conferencia "Commission on the Status of Women"

E TA IMPORTANTE PA TUR STAKEHOLDER TA ENVOLVI PA HUNTO CERA E "GENDER GAP" CU TIN ENTRE HENDE MUHE Y HENDE HOMBER



Manera ta conoci, siman pasa Prome Minister Evelyn Wever - Croes a atende diferente reunion di Nacionnan Uni na New York. Esaki ta e di 67 biaha cu e "Commission on the Status of Women" (CSW) ta wordo organisa. E conferencia a inicia dialuna dia 6 di maart y lo dura te cu 17 di maart den cual ta atende cu diferente tema relaciona cu status di Hende Muhe. Na ocasion di e apertura, Prome Minister a duna un discurso treciendo e posicion di Reino Hulandes, y den esey a elabora riba kico tur ta haciendo na Aruba riba tereno di empoderamento di hende muhe y algun ehempel di Hulanda.

Prome Minister den nomber di e 4 paisnan den Reino (Aruba, Corsou, Sint Maarten y Hulanda), a splica cu transformacion digital den ultimo decanan tabatin un impacto hopi profundo

riba bida diario. Esaki a bin cu hopi oportunidad pa igualdad di genero, pero el a bin tambe cu hopi riesgo y puntonan negativo. Mas y mas tecnologia nobo ta lantando cabes y nan ta percura tambe pa mas stereotipo cual ta visibel online, e asina yama: "online gender based bias", pues violencia basa riba genero online.

Na Aruba a cuminsa atende cu esaki pa percura pa duna hende muhe y mucha muhe mas oportunidad den e area di ciencia, ingenieria, tecnologia, engeria, matematica y ICT. Prome Minister a elabora riba e trabou cu Futura ta haciendo cu "innovation lab" y diferente workshop y training cu e meta di lanta e interes cerca mucha muhenan hoben den e ramo aki. Ademá, Prome Minister a informa esnan presente den e conferencia tocante e facultad di Sustainable Island Solutions through Science, Technology, Engineering and Mathematics (SISSTEM) cu tin na Universidad di Aruba. Pa locual ta e esfuersonan di banda di Hulanda, Prome Minister a indica cu Gobierno di Hulanda a cera un pacto tecnologico cu scolnan, sector priva, doñonan di trabou, trahado y autoridadnan local, cu ta enfoca riba atrae mas hende muhe den sectornan di STEM. Gobierno Hulandes a lansa un plan di accion tambe pa trabounan di energia limpi y digital, caminda ta aumenta e inversion den habilidadnan digital den enseñansa y desaroyo pa asina purba di haya mas hende muhe den e sector di ICT. Esakinan ta algun iniciativa cu a tuma pa cera e espacio "gender gap" cu tin entre hende muhe y hende homber tanto online como offline.

Na final Prome Minister a enfatisa riba e importancia pa tur stakeholder ta envolvi den e desaroyonan aki pa asina logra duna hende muhe e espacio y oportunidad cu mester pa desaroya y contribui cu nan talento na soluciona retonan na mundo pa crea un desaroyo mas balansa. Esaki no lo por ta posibel sin e compromiso di cada persona.

Prome Minister Evelyn Wever-Croes:

COMMISSIE CORPORATE GOVERNANCE A DUNA PRESENTACION DI NAN TRABOUNAN NA CONSEHO DI MINISTER



1 di mei 2020, durante Gabinete Wever-Croes I y na comienso di e pandemia, Prome Minister Evelyn Wever-Croes a instala e Commissie Corporate Governance. E comision energeticamente a asumi su tarea y den dos siman a entrega un plan di accion na Prome Minister y riba 18 di mei 2020 e plan y su presupuesto a wordo aproba y e comision a cuminsa traha. E comision cu ta consisti di Presidente señor Jossy Lacle, y miembronan señora Hellen van der Wal, señor Arie Swaen y señor Freddys Refunjol, ta haciendo e trabou aki desde e fecha menciona. Na principio nan a compromete nan mes pa un aña, sinembargo e trabounan a bira mas grandi y a prolonga e comision pa mas tempo. Gobierno di su banda, mesora tambe a compromete su mes pa cumpli cu recomendacionnan di e Commissie Corporate Governance.

Comision di “Corporate Governance” ta e organo cu ta encarga cu supervision di companianan estatal riba aplicacion di reglanan di cooperativo gubernamental, y conseha Gobierno riba peticion of no, entre otro riba e perfil, nombracion y retiro di miembronan di hunta di comisarionan y ta regla con pa evita conflicto di interes, y stipula beneficionan primario y secundario pa directornan y pa miembronan di staf. Un logro grandi tambe ta e “Wever-Croes Norm” den cual ta stipula cu un director di un compania estatal no por ricibi un salario cu ta mas halto cu 130% di e salario di minister president.

Diabierna mainta Commissie Corporate Governance a duna un presentacion na Consejo di Minister. Prome Minister



Evelyn Wever-Croes na final di e presentacion a expresa su gratitud y satisfaccion pa e trabou cu e comision ta haciendo desde mei 2020. “Commissie Corporate Governance a entrega e concepto di ley y e codigo di Corporate Governance cu ta canando e caminda pa wordo implementa. Esaki ta e base firme pa garantiza integridad den companianan y institutonan di Gobierno. E bunita tambe di esaki ta cu tanto Gobierno como e indentidadnan semi publico awo ta sinti e necesidad di e ley y e codigo”, Prome Minister a remarca.

Prome Minister ta gracidi tambe Minister Ursell Arends cu e tuma esaki over y hunto cu e comision, sigui cu e trabounan pa garantiza integridad na nos pais.



Xiomara Maduro
MINISTER

Riba Dia Internacional di Hende Muhe: **MINISTER MADURO CU UN APRECIO SPECIAL PA E DAMAS CU TA COORDINA E TRABOUNAN DI 'LANDSPAKKET' NA BIENESTAR DI ARUBA**

Riba Dia Internacional di Hende Muhe, Minister Maduro a brinda un aprecio special na dos dama cu ta coordina tur e trabounan necesario pa Aruba por cumpli cu e reformatan manera stipula den e 'Landspakket' acorda cu Hulanda pa haci di Aruba un Pais mas fuerte y resiliente. Ta trata di sra. Indra Zaandam y sra. Roraima Dubero-Arends kende ta asisti Indra den e trabounan necesario. E trabou cu e dos damanan aki ta desplega ta di suma importancia pa nos Pais y nan ta yudando incansablemente pa tur trabou cana manera debe ser.

Den su discurso pa e ocasion, Minister Maduro a splica cu e tin masha aprecio pa e trabou grandi cu Indra ta haci pa nos Pais. Indra ta un hende muhe semper cooperativo, semper mustrandando iniciativa, semper cla pa enfrenta tur e retonan cu ta presenta y semper dispuesto pa yuda. Recientemente, apesar di e trabou grandi cu e 'Landspakket' ta trece cune, asina mes Indra a yuda como voluntario durante e Bishita Real na nos Pais pa yuda coordina e parti di prensa. Un trabou cu no tabata facil, pero cu nos 'Super Indra' a sa di haci na un manera profesional.

Minister Maduro ta gradici Indra y Roraima pa nan trabou y ta spera di por keda conta cu nan sosten y esfuerso na bienestar di Aruba. Masha danki pa forma parti di e liderazgo femenino di Aruba.



Bo ta keda cordialmente invita pa asisti na

Festival Un Canto pa Aruba su Himno y Bandera

Categoría Infantil – Hubenil	Categoría Infantil – Hubenil	Categoría Adulto
Diabierna, 10 di maart 2023	Diasabra, 11 di maart 2023	Diadomingo, 12 di maart 2023
6:00 PM – 11:30 PM	6:00 PM – 11:30 PM	6:00 PM – 11:30 PM
16 Cantante	21 Cantante	22 Cantante
8 Agrupacion Musical	11 Agrupacion Musical	12 Agrupacion Musical

Luga: Plaza Libertador Betico Croes

Minister di Finanzas y Cultura | CCDN | Comision Gestor Cultural | Comision Promove Cultura | UNOCA

UNION TA E FORSA DI NOS BARANCA TAN STIMA.

POETA DI PATRIA 2023

FECHA: DIARANSON 15 DI MAART 2023

ORA: 7:00 PM – 10:00 PM

LUGA: CAS DI CULTURA

ENTRADA GRATIS

PROME PREMIO
AWG. 1000,-

SEGUNDO PREMIO
AWG. 500,-

TERCER PREMIO
AWG. 250,-

Ultimo dia pa inscribi ta diabierna dia 3 di maart 2023.
Ultimo dia pa entrega poema ta dialuna dia 6 di maart 2023
Mail bo poema na: artedipalabra@gmail.com




PARLAMENTARIO DI CURACAO A BISHITA HEALTHY LIFESTYLE CENTER ARUBA



Ayera mainta señora Giselle Mc William, parlamentario di Curaçao, a haña un rondleiding na Healthy Lifestyle Center di Aruba. Sra. Mc William a keda impresionada cu e centro aki cu a wordo inaugura na Aruba.

Durante e rondleiding e la wak e facilidatnan y tambe sera conoci cu e team cu ta traha na e centro aki. E la haña un splicacion tocante e servicionan cu ta wordo ofresi na e healthy lifestyle center y tambe tocante e proyectonan cu lo wordo



realisa durante e aña aki.

E parlamentario a duna di conoce cu prevencion tambe ta un topico importante na Curaçao, y cu nan ta spera cu pronto nan por tin nan mesun centro di salud tambe.

E la duna palabra di pabien na Aruba y na minister di Turismo & Salud, Sr. Oduber, conhuntamente cu tur stakeholders cu a hasi e logro aki posibel.



MINISTER ENDY CROES TA DESEA SELECCION DI ARUBA HOPI EXITO DEN WEGANAN INTERINSULAR 2023



Diaranson tardi, Minister Endy Croes a topa cu seleccion di Aruba cu a sali pa competi den Weganan Interinsular 2023. Despues di hopi aña e Weganan Interinsular ta bek. E torneo escolar ta tuma luga na Boneiro di 9 pa 12 di maart, den e deporte di dammen y schaken. Weganan Interinsular ta stimula union y competencia cu sigur ta importante pa e desaroyo di nos hobennan. Nos por corda hopi aña atras con scolnan ta competi contra otro y e ganadonan ta competi contra e otro islanan den un total di 6 disciplina.

Dianan 10, 11 y 12 di maart 2023 Weganan Interinsular ta cuminsa na Boneiro cu e disciplina di dammen y schaken. Di dos fecha ta 21 pa 26 di maart 2023 unda cu e Weganan Interinsular

ta tuma luga na Curaçao den e disciplina di atletismo y trefbal. Dianan 21, 22 y 23 di april 2023 Aruba ta cede di Weganan Interinsular unda ta organisa e competencia di volleyball y futbol. Minister Endy Croes ta desea nos atletnan hopi exito! Boso deseo cu determinacion, dedicacion y disciplina boso ta logra.





WEB SU GERENCIA Y PROFESIONALNAN TA TRAHANDO DURO PA DUNA ARUBA E GARANTIA Y SIGURIDAD DEN SUMINISTRO DI AWA Y ELECTRICIDAD



Gerencia y profesionalnan di WEB recientemente a reuni cu Minister Glenbert Croes referente e problemanan cu Aruba a conoce den suministro di coriente.

Durante e reunion WEB a presenta na Minister tur e pasonan cu a wordo tuma y cu te ainda ta tumando pa sigura y garantiza suministro di awa y coriente na nos pueblo. E ultimo blackouts a causa frustracion y disgusto grandi den nos pueblo pa cual motibo e mandatario a instrui Utilities NV pa laga haci un audit independiente pa por determina kico por ta e causa di e interrupcionnan aki.

WEB a inverti un suma substancial den e planta di Wartsila hustamente pa garantiza e suministro. Di e momento cu e

planta nobo di Wartsila a bay den uzo, esaki a trece cu ne cu suministro a cay na diferente ocasion.

Pero WEB y su profesionalnan a lora manga, a tuma accion pa internamente mes averigua unda e problema por ta. Y diahuebs ultimo a presenta e resultado di nan investigacion y medidanan cu a tuma pa sigura y garantiza un suministro confinable y estable pa nos pueblo.

“Como Minister di Energia mi ta sumamente orguyoso di nan tur y agradecido pa tur e esfuersonan haci”, e mandatario a expresa.

Minister Glenbert Croes:

PA PROME BIAHA DEN HISTORIA CU CURSO DI 'KLEIN VAARBEDIJIS' DI EPE AWOR TIN EXAMEN PRACTICO



Ta hopi hende cu den pasado a haci e curso di Klein Vaarbewijs cu Enseñansa pa Empleo tabata ofrece. E tabata un di e cursonan mas popular na EPE. Antes tabata duna solamente teoria y no e parti practico. Desde e aña ak a bin cambio den esaki.

Enseñansa pa Empleo a drenta den deliberacion cu Directie Scheepvaart pa asina duna e curso mas peso y contenido pa adapta locual tabata necesario pa por cumpli cu e rekisitonan maritimo. Conhuntamente cu nos Havenmeester Sr. R. Beaujon, e docentenan di Klein Vaarbewijs na Enseñansa pa Empleo, a traha duro riba e revision di tur material di teoria, reforsa e reglanan pa manda e curso di Klein Vaarbewijs p'un otro nivel.

Pa mas seguridad riba lama, pa tur cu di un manera of otro ta usando lama, a introduci cambionan den e proceso pa yega na un vaarbewijs. Un di e cambionan mas importante cu a introduci ta un examen practico, riba lama, den un boto pa segura e capacidad di e cursista pa por maneha un boto. Por compara esaki cu e proceso di rijbewijs, tin teoria y tin e parti practico. Y ambos mester wordo pasa cu exito pa asina por haya su rijbewijs manera den e caso aki su vaarbewijs. Cu e certificado, e cursista mester presenta na Directie Scheepvaart for di cual instancia nan lo haya nan carnet pa por conduci boto den e awanan di Aruba.

E siman cu a pasa, Aruba a conoce su prome graduadonan di e curso di 'Klein Vaarbewijs' den teoria pero tambe den e parti practico. Cu sumo orguyo nos por anuncia cu tur a pasa e examen cu exito. Nos ta orguyoso di tur e cursistanan cu a logra.



EPE ta sumamente agradecido di tur e guia cu a ricibi di Havenmeester, sr. R. Beaujon y e docentenan di Klein Vaarbewijs di EPE.

Enseñansa pa Empleo di e forma aki ta contribui na un mundo maritimo mas sigur, cu reglanan mas estricto di curso, pa un y tur por gosa trankilamente di nos lama.

"Nos vision y compromiso ta pa Enseñansa pa Empleo yega na e nivel digno pa nos hendenan. Nos ta sumamente contento y orguyoso di mira avansenan grandi den e departamento aki", e mandatario a expresa.

Enseñansa pa Empleo ta brindando e oportunidad na tur esunnan cu ta interesa, pa por sigui desaroya y recapacitanan mes.

EPE ta den pleno preparacion pa habri inscripcion nobo pa fin di maart. Cursonan nobo lo cuminsa 17 di April proximo. Pa mas informacion tocante cualkier curso, por bishita www.epearuba.com, por pasa libremente na su oficina den Engelandstraat nr. 33 of telefonicamente 5825662.



Department of Economic Affairs,
Commerce and Industry of Aruba



MS. MARY BAARH
SPEAKER

Workshop Business License

Explaining the new
guidelines and procedure
of getting a license for your
business in Aruba

THURSDAY 
16 MARCH 2023

TIME 
9.00 AM-11:00 AM

VENUE 
DEPARTMENT OF
ECONOMIC AFFAIRS,
COMMERCE & INDUSTRY

Event is free to the public. Seating is limited!



REGISTER NOW

Register here: <https://www.eventbrite.nl/e/workshop-business-license-tickets-570760509047>






RECONOCE BO IMPACTO PA BO DESPERDICIO RESIDENCIAL OF COMERCIAL:



(Aruba's waste management blueprint)



Bo kier haci mas?



E herarkia di desperdicio ta indica e impacto di e metodo cu ta wordo uza pa procesa desperdicio.



Ministerio di Transporte, Integridad,
Naturalesa y Asuntunan di Adulto Mayor

"Nada no ta cambia, si nada no cambia!
Reconoce bo impacto, un Aruba dushi ta un Aruba cu nos por maneha nos sushi!"
Minister Ursell Arends

www.trashtocasharuba.org

Pa mas informacion:
<https://trashtocasharuba.org/pages/dump-parkietenbos>



Positivismo ta un factor importante pa logra union. Ora cu famianan y comunidadnan ta traha hunto pa metanan comun, e chens pa exito ta bira mas grandi. Tambe e ta crea un ambiente mas stabiel y harmonioso cu ta necesario pa e crecimiento y desaroyo di un sociedad.